

書蔡氏傳旁通卷之二

禹貢

夏后氏五十而貢貢者較數歲之中以為常

朱子云夏氏一夫受田五十畝而每夫計其五畝之入以為貢

禹別九州非用其私智天文地理區域各定故星土之法

則有九野

周禮保章氏云以星土辨九州之地所封封域皆有分星以觀

效注云星土星所主土也鄭司農說星土以春秋傳曰參為

晉星商主大火國語歲之所在則我有周之分野之屬是也云

諸大界則曰九州州中諸國之封域於星亦有分焉其書亡矣

堪輿雖不郡國所入度非古數也今其存可言者十二次之分

後學 東 匯 澤 陳 師 訛 撰
後學 豫 章 朱 萬 初 校 正

也星紀之越也玄枵齊也卿嘗衛也降婁魯也大梁楚也貫沔
晉也焉首秦也鷦火周也鷦尾楚也壽星鄭也大火宋也析木
燕也疏云古黃帝時堪輿亡故其書亡矣又云吳越在南齊魯
在東今歲星或北或西不依國地所在者此古之受封之日歲
星所在之辰國屬焉故也吳越二國同次者亦謂同年度受封
故同次也又案史記正義引星經云角亢鄭之分野兗州氏房
心宋之分野豫州尾箕燕之分野幽州斗牛吳越之分野揚州
女虛齊之分野青州危室壁衛之分野并州奎婁魯之分野徐
州胃昴趙之分野冀州畢觜參魏之分野益州井鬼秦之分野
雍州柳星張周之分野三河翼軫楚之分野荊州以九州言則
為九野以十二州言則為十二野

壺口今隰州吉鄉縣

寰宇記云在慈州吉鄉縣西南五十里今改吉州隸平陽路

呂梁山在今石州離石縣東北

寰宇記呂梁在離石北以東可二百餘里今隸太原路

岐山在今汾州介休縣狐岐之山

今隸太原路

六壁城在勝水之側

勝水寰宇記在汾州孝義縣南一里六壁府後魏太平真君五
年討胡於六壁即此城也俗以城有六面因以為名在孝義縣
西八里今仍屬汾州

廣平刁原今河東路太原府也

寰宇記為并州今為太原路屬河東山西道

太岳在河東郡彘縣東今晉州霍邑也

寰宇記太岳在霍邑縣東三十里晉州宋改平陽府今仍之霍
邑今改為霍州

山南曰陽則今岳陽縣地也堯之所都

岳陽縣今屬平陽路

汾水出於太原經於太岳東入于河

今案汾河在山西當云西南入河地志云北山汾水所出西南至汾陰入河

覃懷地名今懷州也

今為懷孟路屬河東山西道

涑水出乎其西

地志涑水出代郡廣昌東南行五百里至容城入河今案容城屬涿郡在幽州之境去懷孟南北懸絕涑水不應在懷孟之西涑字恐是濟字之誤

漳水一一出上黨治縣大通谷

上黨今潞州也洽字謀地志作沾師古音它廉反韻會亦

禹貢

襄字記音丁念反

今平定軍樂平縣少山也名為清漳

襄字記云少山一名河逢山在縣西南十里清漳水出焉平定完顏金改為州今屬河東山西道

一出上黨長子縣鹿谷山

長續為長短之長

今潞州長子縣發鳩山也名為濁漳

襄字記發鳩山在縣西南六十五里濁漳水出焉然縣別有鹿谷山非鹿谷即發鳩也漳水一名潞水今潞州為平陽路支郡東北至阜城入北河

地志東北至邑成入大河

鄴今潞州涉縣也

涉縣今屬真定路

阜城今定遠軍東光縣也

今並有阜城東光二縣皆屬景州為河間路支郡

周官大司徒辨十有二壤之物而知其種以教稼穡樹藝

注壤土也釋云此十二壤即上十二土注云十二土分野十二

邦上繫十二次各有所宜也疏云分別物之所生而知其所殖

之種遂即以教民春稼秋穡以樹其木以藝其黍稷也

以土均之法辨五物九等制天下之地征

亦大司徒文也注云均平也五物五地之物也九等駢剛赤緹

之屬疏云制天下之地征者言天下則并畿外邦國所稅入天

子而言也五物即上山林川澤之等是也愚案上文云辨其山

林川澤丘陵墳衍原隰之名物注云積石曰山竹木曰林注漬

曰川水鍾曰澤土高曰丘大阜曰陵水厓曰墳下平曰衍高平

曰原下濕曰隰

高貢

草人糞壤之法駢剛用牛赤紱用羊墳壤用麋渴澤澤用鹿

地官草人云掌土化之法以物地相其宜而為之種凡糞種駢

剛用牛赤緹音低用羊墳音粉壤用麋渴音竭澤用鹿音鹿渴昔用貍音力

勃壤用狐音狐墳音墳用豕音豕疆音疆聲音聲駢音駢用音音音反音反輕音輕學音學用犬

注云土化之法化之使美也凡所以糞種者皆謂煮取汁也赤

緹音緹緜色也音緜渴澤故水處也渴音渴鹵也音鹵貍音貍他官也音他勃壤粉解

者墳壤黏疏者疆音疆堅強者輕音輕輕脆者鄭司農云用牛以牛

骨汁漬其種也謂之糞種音糞黃麻也疏云案禹貢冀州云白壤青

州云白墳兖州云黑墳徐州云赤墳揚州荆州云塗泥豫州

云墳壚梁州云青黎雍州云黃壤與此駢剛之屬為九等不同

者以禹貢自是九州大判各為一等此九等者無妨一州即有

此九等之類故不同也

土會之法

大司徒云以土會姑外之灋辨五地之物生一曰山林其
宜毛物其植物宜阜物卑音其民毛而方二曰川澤其動物宜
鱗物其植物宜膏物其民黑而津二曰丘陵其動物宜羽物其
植物宜穀核物其民專團而長四曰墳衍其動物宜介物其植
物宜莢物其民替而瘠五曰原隰其動物宜羸物其植物宜叢
物其民豐肉而庠注云阜物柞栗之屬膏物楊柳之屬理致白
如膏玄謂膏當為秦蓬艾之實有繫韜

天子所自治并與場圃園田漆林之類而征之如周官載
師所載賦非盡出於田也

地官載師云以廛里任國中之地以場圃任園地以宅田士田
賈田任近郊之地以官田牛田賞田牧田任遠郊之地以公邑
之田任甸地以家邑之田任稍去地以小都之田任縣地以六
都之田任疆地凡任地國宅無征園廛二十而一近郊十

溝首

郊二十而三甸稍縣都皆無過十二唯其漆林之征二十而一

常山郡
今真定路

定州曲陽縣

定州今改中山府曲陽隸保定路中山屬真定路

東入滏水

地志應劭曰滏音驅驅侯反

瀛州高陽縣

瀛州今為河間路高陽縣今隸安州屬保定路

真定府行唐縣東流入于滋水

行唐今隸保定滋水去縣三十六里

衛水東入滹沱河

寰宇記滹沱水在靈壽縣西南二十里

大陸孫炎曰鉅鹿北廣阿澤河所經也

鉅鹿即邢州今為順德縣鉅鹿為屬縣寰宇記云廣阿澤一名大陸一名鉅鹿一名大麓一名沃州在縣西北五里其澤東西二十里南北三十里

澶相

宋澶州今改開州隸大名府相州今名彰德路

蓋禹河自澶相以北皆行西山之麓班馬王橫皆謂載之高地

此西山指太行山也迤北連綿直至趙州以上接恒山皆在河北之西其地常高於河

古河之在貝冀以及枯澤之南

貝州今改恩州為廣平路支郡冀州為真定路支郡案程氏貢圖古澤渠自邢州來過貝州北至冀州之東禹河自邢州來

中書

經貝冀之南過澤水

及其已過信澤之北

信字下脫都古二字案此段自程氏曰以下皆禹貢圖叙說之文傳寫脫二字耳信都冀州也古澤即枯澤也其北則趙深二州之境

隋改趙之昭慶以為大陸縣唐又割鹿城置陸澤縣

寰宇記昭慶本漢廣阿縣大業末改為大陸縣天寶十二年又改為昭慶縣唐舊書謂天寶元年改為昭慶唐舊書又云深州陸澤先天二年分饒陽鹿城界置陸澤縣至德二年改鹿城為東鹿寰宇記云陸澤本漢廣阿縣地隋象城縣地唐開元中置以大陸澤為名貞元中以饒陽立深州至長慶已後移深州理於是邑今案饒陽改深州而深州理靜安其大陸鹿城並未詳沿革然皆不出漢之廣阿也蔡待本陸澤多訛為陸渾非

邢趙深二州爲大陸


邢州則有廣阿澤趙州則有大陸縣深州則有陸澤縣故總言之

也。碣石地志在北平郡驪城縣西南河口之地今平州之南

地志作驪成無河口之地四字碣作錫師古音桀震字記今平州理盧龍縣本漢遼西肥如縣也碣石山在縣南二十三里碣然而立在海旁太康地志云秦築長城起自碣石在今高麗舊界非此碣石也又平州石城縣在盧龍西一百四十里有碣石始皇刻石漢武登之當山嶺有大石如柱號曰天橋柱立於巨海之內平州今改名平灤路仍理盧龍西至大都五百五十里

漢遼東西右北平漁陽上谷之地

禹貢





萬津寰宇記云在樂陵東西北流入饒安

在樂陵縣西二里

許商云在棗縣

高齊天保七年併入安德縣

漢世近古止得其三

許商所指是

唐人遂得其六

馬頰覆輔鈎盤并許商所云為六

輿地記又得其一

簡潔

鄭氏求之不得以為齊桓塞其八流以自廣

爾雅汪疏云鄭玄云周時齊桓公至之同為一河今泥間弓馮

以東至平原萬津往往其遺處表秋緯寶乾圖云移河為界

在齊呂填闕八流以自戾鄭玄蓋據此文謂齊桓公塞之故蔡氏以為無稽也

夫曲防齊之所禁

孟子注云不得曲為隄防壅泉激水以專小利也

惟程氏以為九河之地已淪於海

此段自漢以來講求九河至論終皆程氏叙說成文惟鄭氏一段非故此以程氏更端下云平州正南有山而名碣石者尚在海中去岸五百餘里愚案程氏本意非謂去平州岸五百里乃去滄州岸五百里耳蓋去平州岸只二十三里無許遠也

漢王橫言

溝洫志王莽時大司空掾王橫言往者天嘗連雨東北風海水溢西南出侵數百里九河之地已為海所漸矣子禹之行河水本隨西山下東北去周譜云定王五年徒則今所行非禹

萬百

所穿也

雷夏地志在濟陰郡城陽縣西北

地志作成陽寰宇記作成陽此作城誤

今濮州雷澤縣西北

今無雷澤縣澤在濮州鄆城縣鄆反屬濟寧路

汭水

說文注臣鉉曰今作汭非是皮變反案寰宇記陳留縣下云睢溝在縣東南五里輿地志云汭水自滎陽受睢水東至陳留彭城南入泗水自後開通濟渠此渠廢今無水據此則蔡氏以汭為灘以睢為沮皆合其滎陽則會同之地也音雖音權音歡音楚音汭

音

沛國芒縣

地志芒音郎反光武改為臨甌隋改為永城即今歸德府永城

縣也

沮有楚音

韻會在呂反丘名

祭之地地墳

見左傳僖公四年

西北多山東南多水

先天之位良為山居西北故西北多山充為澤居東南故西南多水

宛然揚三州最居東南下流

宛承河濟下流徐承淮泗下流揚承江漢下流

漂水出東郡東武陽至千乘入海

地志云行千一百里東武陽今濮州朝城縣也千乘今益都路樂安縣也

程氏以為此乃漢河與漂殊異然亦不能明言漂河所在未詳其地也

案程氏貢道圖云漂出東郡東武陽縣至漢後受河於武陽縣東南大抵東北行至千乘入海此河乃漢河元非禹河愚案程氏意非指漂為漢河蓋言今自漂入河處所受河水乃漢以後所徙頓丘之河非禹時澶相以北之河也其漂水仍以東武陽為是料河水未徙之前其自漂入河處則又過武陽以北之地也即無與漂殊異之文故不別言漂所在耳

岱泰山在今襲慶府奉符縣

襲慶府今為兗州完顏金又於奉符縣置泰安州並屬山東濟寧路

渴夷今登州之地

今登州為般陽路支郡在東海之流東北西三面皆距海

濰水出琅琊郡箕縣今密州官縣東北濰山也

完顏金於官縣置官州屬益都路

北至都昌入海今濰州昌邑也

地志作昌都今濰州屬益都路

淄州淄川縣

今淄州改為般盤陽路仍理淄川而泰安州又自有萊蕪縣

東至博昌縣入濟今青州壽光縣也

濟地志作沂青州今為益都路屬山東壽光仍隸

錯並別為一物如磬錯之錯

韻會云錯鑊也又云鑊摩錯之也朱子云礎以鑊錫蔡傳後云

磬錯治磬之錯也

即今萊州之地

在東海之濱隸般陽改

馬頁

汶水出泰山郡萊蕪縣原山今襲慶府萊蕪縣也

萊蕪今改屬泰安州

鄆州中都縣

鄆州今為東平路無中都縣有汶上縣

沂水出泰山郡蓋縣艾山今沂州沂水縣也

蓋地志音古蓋反今沂水割屬莒州

南至于下邳西南入于海

地志行六百里下邳今邳州也

水出尼丘山

在今兗州泗水縣

武陽之冠石山

在今濮州朝城縣地志云行九百四十里至下邳入泗

有漸

說文云水在魯苦郭反寰宇記云源出費縣東南連青山下
南入徐州滕縣界

沂水

沐食聿反寰宇記云沐水出沂州沂水縣西北沂山東南入泗
水

沂州費縣

寰宇記云蒙山在縣西北八十里高四十里長六十九里
海州朐山縣

寰宇記在縣西北九十里繇所殛處下有羽淵今海州名海寧
州仍理朐山為淮東淮安路支郡朐音渠

大野在今濟州鉅野縣

濟州今升為濟寧路鉅野為倚縣寰宇記云東西百餘里南北
三百里

海首

濟水至乘氏縣分為二

乘氏舊屬曹州今廢寰宇記云漢乘氏縣在鉅野縣西南五十
里劉宋時廢程氏禹貢圖云水經既於封丘分南北濟又於乘

氏分為二必有一誤封丘今隸汴梁路

東原漢之東平國今之鄆州也

今亦稱東平路

搏埴之工

搏音團拍也埴時職反黏土也出考工記

埴埴以為器

出老子十一章埴始然反和也

周書作雒

此汲冢周書第四十八篇也下文本見度邑篇古書誤以工篇
合為一耳

其墳

本書墳作疆孔晁注云疆疆疊塗案此書傳刻訛舛正如晁注四字亦不可解大槩疆者指其壇耳壇之五方以五色土各隨其方疊塗之也墳則四旁起埒如牆無置黃土之處當以疆字為是墳以醉反

鑿取其方面之土苞以黃土苴以白茅以為土封

孔晁云其方土謂建東方諸侯以青土也苞覆苴裹土封封之為社也

葛嶧山

寰宇記嶧陽山在下邳縣西六里西征記下邳城西五里有葛嶧山禹貢所謂嶧陽山也下邳今邳州西北陪尾山
寰宇記在泗水縣東

禹貢

西南過彭城

彭城今徐州屬河南省

襲慶府泗水縣

今為兗州泗水縣

下邳有石磬山

石磬山乙作磬石寰宇記輿地要覽皆作磬石山在下邳西南八十里寰宇記云泗水中無此石其山在泗水之南四十里今取磬石上供樂府其山出石大小擊之其聲清亮恐禹治水之時水至此山矣

濠泗楚比黃淮白魚

濠州今為臨濠府泗仍泗州楚為淮安路

及期而大祥

及當作又

中月而禫

禫徒感反說文云除服祭名也鄭玄云澹澹然平安之意入公家禮曰大祥後中月而禫中月間一月也二十五月祥後便禫以之為袞所以祭也

左傳疏云祭服玄衣纁裳詩稱玄衮是玄衣而畫以袞龍袞之言卷也謂龍首卷然以之為端所以齋也

春官司服云士之齋服有玄端素端鄭司農云玄衣有禴裳者為玄端鄭玄謂端取其正也以之為冠以為首服也

玉藻云玄冠丹組纓諸侯之齊冠也玄冠綦組纓士之齊冠論語云羔裘玄冠不以手許慎曰汲水受陳留浚儀陰溝至濠為澗水東入于泗則

萬貢

淮泗之可以達于河者以澗至于泗也

自淮入泗至彭城入澗澗之上流即汲水也至浚儀入陰溝自陰溝而後北入河也

泗之上源自沔亦可以通河也

沔泗水而北至溢為滎處入河滎水即沔水也沔古濟字

彭蠡地志在豫章郡彭澤縣東

東字誤地志作西漢彭澤今南康之都昌江州之湖口彭澤皆其地也彭蠡在二縣之西南

跨豫章饒州南康軍三州之地

豫章今龍興路也此湖南至龍興之新建東至饒之鄱陽西至南康之建昌星子北至都昌

夏小正

夏時之書子夏傳

松江

寰宇記云松江在蘇州吳縣自太湖出海屈曲七百里又名吳江又名松陵又名笠澤

併松江為二江

愚按以此為二江固賢於眾說然亦不合東為中江東為北江之文蓋松江出於太湖之下已與大江不相附近而婁江東江又為松江支流不過為太湖水口耳其於岷江漢遼乎其不相關也若以漢江在荊州之域不當如東坡二江之說而又不必泝中江北江之文而止求其利病之在揚州之域者則水勢之大者莫若揚子大江松江浙江三者耳經文記彭蠡之下何為直捨大江而遠錄湖水之支流也唐氏之言未敢遽信然蔡氏主之者以其地有二江之名且合吳越春秋之語於此他說愈妄故取之耳然導水所謂中江北江則不在此也愚又思之

禹貢

恐三江有二不可合而論之三江既入一也中江北江二也本不相合

震澤太湖也在吳縣之西南五十里今蘇州吳縣也

蘇州今浙西平江路也太湖縱廣二百八十里周迴六百五十四里為地二萬七千頃其中有洞庭山夫椒山洞庭即包山山有洞庭寶室入地下潛通五嶽見寰宇記

如三川震之震

三川震國語文

榷梓豫章之屬

榷皮連切豫章木名吳都賦作榷樟

葛越木綿之屬

吳都賦蕉葛升越弱於羅紈注云蕉葛布之細者升越越布之細者說文云葛絺絺草也韻會云越草名蒲屬葛越草布也

吳始開邦溝隋人廣之而江淮舟船始通

寰宇記云揚州江都縣合瀆渠在縣東二里本吳掘邦溝以通

江淮之水路也昔吳王夫差將伐齊北霸中國自廣陵城東南

築邦城城下掘深溝謂之邦江亦曰邦溝邦河干切

注漢合流于荆去海尚遠

據禹迹圖自江漢合流至海洋一千八百餘里

長沙下雋

地志雋字充切寰宇記作攜郡國志作雋

巴陵瀟湘之淵在九江之間

洞庭湖記云沅澧之交瀟湘之會九江之間

岳州巴陵

今隸湖廣行省

沅水

兩首

郡國志云出牂牁且蘭縣地志云行二千二百三十里東南至

益陽入江說文云出蜀郡由牂牁至長沙入洞庭湖且子閻切

且蘭今播州境也益陽州屬潭州路

漸水

地云武陵郡索縣漸水東入沅索縣光武時廢未詳其地

沅水

漢志在武陵郡無陽縣字或作沅源出牂牁郡故且蘭縣南入

沅或名巫水又曰无水又名灑水灑水舞水聲之訛也今蔡傳

作元亨之元者字之訛也

辰水

地志出武陵郡辰陽縣三山谷行七百五十里入沅寰宇記作

三嵎山谷在今辰州路淑浦縣

叙水

地志云武陵郡義陵縣鄜梁山序水所出西入沅鄜音敷寰宇記作叙水鄜梁作鄜梁在今辰州路淑浦縣

酉水

地志出武陵郡沅縣西原山行千二百里入沅今辰州路沅陵縣有小酉山酉溪

澧水

地志出武陵郡沅縣歷山行千二百里入沅今澧州路澧陽縣也

資水

地志出零陵郡都梁縣路山行千八百里入沅都梁今湖南武崗武岡縣也

湘水

地志出零陵郡零陵縣陽海山行二千五百二十里入江零陵今湖南永州路零陵縣也

漢志九江在廬江郡之尋陽縣

地志云禹貢九江在南皆東合大江察漢之尋陽縣治在今蘄州界內地名蘭城在江北而地界管至江南今江州之德化德安二縣皆其地也

九江之名

今自蘄州而下至尋陽小水入大江者固不一然並無一名古舊冀之九河遷徙不時至漢尚有可考者大江南北山隴界限千古不移而反無一名存焉可知其說之妄而不足憑也今詳漢九江郡之尋陽乃禹貢揚州之境

謂九江之尋陽亦誤尋陽在漢屬廬江不屬九江九字恐誤秦置九江郡在壽春今安豐縣有壽春縣而臨濠府光州和州皆其地也漢之廬江郡則今安慶無為皆其地也無為有廬江縣今之江州在漢則為尋陽縣及豫章郡之柴桑縣王莽時劉歆

誤指彭蠡爲九江遂使莽改豫章爲九江郡改柴桑爲九江亭
而又改壽春之九江爲延平郡於是九江之名始遷於江南矣
東漢九江仍治壽春廬江仍治舒尋陽仍隸而柴桑仍隸豫章
晉改九江爲淮南郡惠帝元康元年割揚州之豫章鄱陽廬陵
臨川南康建安晉安荊州之武昌桂陽安成合十郡因江水之
名而置江州初理江北岸地名蘭城在今蘄州界內後溫嶠移
於潁城永興元年分廬江之尋陽武昌之柴桑置尋陽郡屬江
州元帝渡江尋陽郡又置九江上甲二縣尋又省九江入尋陽
安帝義熙八年省尋陽縣入柴桑縣柴桑仍爲郡愚案尋陽縣
卽今德化也柴桑卽今瑞昌也而今之德安則又尋陽柴桑之
二境也寰宇記云九江在江州西北二十五里名曰白馬江則
又以爲一江而無九名矣又史記正義曰九江郡都陰陵陰陵
故城在濠州定遠縣西六十五里

東陵今之巴陵

屬岳州

南郡枝江縣

今江陵路屬湖北

華容縣

屬岳州路

若潛水則未有見也

王氏炎曰案隋志南郡松滋縣有泔即古潛字今松滋分爲潛

江縣屬江陵路

江夏安陸

江夏縣屬鄂州安陸古郢州也今爲安陸府而德安府亦有安

陸縣雲夢在其南

左傳楚子濟江入于雲中

定四年

又楚子以鄭伯田于江南之夢

昭二年

別而言之則一澤也

江南曰夢江北曰雲朱子云江陵之下岳州之上是雲夢

磬者中矢鏃之用

今江西吳城龍廟中有東城所藏石磬一枚色青而質堅長可

四寸

肅慎氏貢楛矢石磬

事見國語

董安于之治晉陽

事見國語

所以供祭祀縮酒之用

在內貢

疏云東茅立之祭前酒沃其上酒滲下若神飲之故謂之縮

齊桓公責楚貢包茅不入

見左氏傳四年

又管子云江淮之間一茅而二脊名曰菁茅

見輕素十篇

辰州麻陽縣苞茅山出苞茅

見寰宇記今麻陽縣隸沅州

組綬類

崔豹古今注云漢舊制乘輿黃赤綬四采黃赤縹紺淳黃為圭

長二丈九尺九寸五百首

大龜尺有一寸

史記龜策傳云龜千歲滿尺一寸

捨舟而陸以達于洛

程氏圖荆貢陸行向洛在襄陽北光化鄧州之間
熊耳在商州上洛縣

商州今為陝西奉元路支郡

弘農盧氏之熊耳非是

今嵩州盧氏縣屬河南府路

河南縣西北有古穀城縣其北山實灑水所出

北山即名穀城山灑水出其下

澗水出廣陽山

寰宇記云一名澗池山

河南府河南縣

今理洛川縣

澗池縣

今割屬陝州

濟水自孟州温縣入河

今之懷孟路

滎在鄭州滎澤縣西

滎澤今屬汴梁路

敖倉者古之敖山也

寰宇記云書言仲丁遷于鄘詩言搏獸于敖春秋云敖鄘之間

漢書云東據敖倉即此地秦時築倉於山上故曰敖倉

今濟水但入河不復過河之南

寰宇記云古者濟水出河北截河南流而為滎澤自王莽末濟

水但入河不復過河南

鄭康成謂滎今塞為平地

見春秋傳閔二年注程氏云春秋衛侯及狄人戰于滎澤然則

在春秋時既可以戰則已不復受河矣

引河東南以通淮泗

河水溢出為發東南流為濟為汶南入泗泗入淮

濟水分河東南流漢明帝使王景即滎水故瀆東注浚儀謂之浚儀渠漢志謂滎陽縣有狼蕩渠首受濟者是也南曰狼蕩北曰浚儀其實一也

程氏禹貢圖云受河之水至漢陽武縣分流其一派南下者自中牟原圃之東趨大梁未至則為官渡官渡亦名沙水沙瀆如滎即滎河也班固注良蕩渠於滎陽而曰首受沛東南至陳留入潁者即此派也亦戰國之謂鴻溝而楚漢分境者也既至陳留滎河正派之外支脉散布濶為三名其在開封浚儀之北者為浚儀渠稍東為汜又東行至蒙為獲獲至彭城北遂入于泗此從大梁之北而數之為北來第一水也其浸波濳

為百

濳側駕反

荷澤在定陶縣今濟陰縣

今二縣皆屬曹州荷澤在濟陰縣曹州即興仁府也

東過寬句縣

句音劬今濟陰縣地

孟諸在睢陽縣東北

今歸德府即宋之南京宋州古之梁國仍理睢陽

今南京虞城縣西北孟諸澤是

今虞城割隸濟州屬濟寧路

岷山在蜀郡湔氏道西徼外

湔子干反氏丁奚反道者出徼之路縣之領夷者名曰道如剛氏道平陰道嚴道棘道之類徼音昂反徼猶塞也東北謂之塞西南謂之徼

在今茂州汶山縣江水所出也

今為成都路支郡地志云江水出嶧山東南至江都入海行二千六百六十里

青城天彭諸山

青城天彭二山皆在今灌州天彭亦名灌口山寰宇記云季冰以秦時為蜀守謂汶山為天彭關灌州舊名永康軍

嶧冢山地志云在隴西郡氐道縣漾水所出又云在西縣案地志不云嶧冢在氐道但言漾水所出至武都為漢於西縣下却云嶧冢山西漢所出南入廣漢白水又於武都下云東漢水受氐道水一名沔過江夏謂之夏水據此則有西東二漢水其嶧冢則不言出漾而即言西漢所出其氐道則又即言漾出而不言有嶧冢分而為二則不合經文故蔡氏合兩出而並言之

今興元府西縣三泉縣也蓋嶧冢一山跨于兩縣云

寰宇記西縣本後魏嶧冢縣也又云嶧冢山在三泉縣東二十里又云漾水一名漢水一名沔水源出嶧冢山今興元路屬陝西省而西縣三泉皆無之未詳沿革

江沱在成都府郫縣

郫音疲今仍為縣

永康軍導江縣

今軍名灌州縣廢州隸成都路

巴郡宕渠縣潛水

宕徒浪反今東川蓬州地也

渠州流江縣

流江今廢渠州隸四川東道

瀟水出沅州真符縣

洋州今隸興元路縣廢

蔡山在雅州嚴道縣蒙山在雅州名山縣

二縣並未詳沿革當在今嘉定路之西二百里

沫水

史記音妹漢書音本末之末

蜀郡太守李冰

秦時人

和川

在雅州嚴道縣西去吐蕃大渡河五日程

羅密州

寰宇記作羅編嚴古蠻州

巴郡魚復縣

地志復音腹

蜀貢

佷山縣

地志屬武陵郡孟康曰佷山音恒

如周官田一易再易之類

周禮云一易之田家二百畝再易之田家二百畝一易者間一

歲耕百畝也再易者間二歲耕百畝也

後世蜀之卓氏程氏以鐵冶富擬封君

史記蜀卓氏即鐵山鼓鑄富至僮千人擬於人君程鄭亦治鑄

富埒卓氏俱居臨邛

毳毛織之可以為罽

毳昌茂反獸毛之細者罽居例反據說文織皮為罽毛毳布為罽

並居例反

西傾在洮州臨潭縣

今為臨洮府屬陝西鞏昌路縣革

漢沔

地志屬廣漢郡宋屬利州今定廣元路綿谷昭化二縣皆其地也

漢沔

地志如淳曰沔陽人謂漢水為沔水師古曰漢上曰沔

壽

宋名利州今為廣元路屬四川南道

至于褒水逾褒而暨于衙嶺之南溪灌于斜川屈于武功

而北以入于渭

地志扶風郡武功縣斜水出衙嶺山北至郿入渭褒水亦出衙

嶺至南鄭入沔斜弋奢反衙音牙郿音媚褒城斜谷南鄭皆在

今陝西興元路武功今屬陝西乾州

漢武帝時人有上書欲通褒斜道及漕

事見史記河渠書

南陽上沔入褒

史記正義云南陽今鄧州案今自有南陽府

弱水在張掖郡刪丹縣

地志云桑欽以為道弱水自此西至酒泉合黎後漢志云張掖

在雒陽西四千二百里寰宇記云東南至洛陽三千三百里今

為甘州路又有山丹州即刪丹也後魏曰山丹並隸甘肅行省

刪丹山名一名焉支山

魏太武擊柔然至粟水西行至菟園水又循弱水西行至

涿邪山

柔然即蠕蠕如充反事見通鑑宋文帝元嘉六年

北史載太武至菟園水分軍搜討

出蠕蠕傳云菟園水去平城二千七百餘里東至瀚海西接張

掖水北度燕然山東西五千餘里南北三千餘里

程氏據西域傳以弱水為在深支其說非是

程氏云自西漢以來指言弱水之地其顯著者凡六而班固地志已三出矣條支一也酒泉崑崙二也張掖刪丹本桑欽說以為西至酒泉合黎三也自漢志以外賈耽以張掖郡之張掖河當之唐史以小勃律之娑夷河東女之康延川當之其多如此臣惟取條支媯水之西入西海者以應經文而他皆不取為其地望不與經合也經曰弱水既西桑賈班三家所稱皆不出乎甘肅兩州之間其水未嘗西流故臣深所不據而本漢書初通西域時長老所傳條支弱水以為經證其水西流注于西海以聲教該及四海者槩之故敢主其說

原州百泉縣研頭山

漢書作开頭山寰宇記作笄頭史記作鷄頭在今陝西涇州界內而原州今為鎮原州

永興軍高陵縣

永興今陝西奉元路

渭州渭源縣烏鼠山

渭州今為平涼府渭源屬臨洮府

船司空

縣名地志云本主船之官遂以為縣名今廢

華州華陰縣

今隸奉元路

隴州沂源縣弦蒲藪有汭冰

今屬鞏昌路

涇水自耀州同官縣來

耀今改輝州

涇水在坊州宜君縣

今宜君割歸鄜州

坊州昇平縣

坊州理中部縣今州廢中部撥屬鄜州而昇平亦併入宜君縣

耀州華原縣合漆水

縣今華寰字記云合漆水入富平石川河

至同州朝邑縣入渭

同州今屬奉元路

又漆水出扶風縣

今鳳翔府扶風縣

岐山普潤縣

鳳翔二縣也今岐山仍隸鳳翔普潤華

澧水出永興軍鄜縣

永興奉元也零音戶

至咸陽縣入渭

縣屬奉元

耀州富平縣掘陵原

縣屬耀州

終南在永興軍萬年縣

完顏金改萬年為咸寧今為奉元倚縣

扶風武功縣

武功今屬乾州

地志古文

古文者班固時古地理書也班固引之故稱古文

原隰在邠州

屬陝西

武威縣有休屠澤古今以為豬野

晉音除...奴休屠王地也古今當作古文
濟州姑臧縣

今西涼州屬甘肅行省

三危在燉煌

燉徒門反今沙州路屬甘肅省輿地要覽云三危山有三峯俗
名異兩山後漢西羌傳注亦云三危在沙州

昆侖虛

虛音墟爾雅疏云帝之下都昆侖之虛方八百里即崑崙山也
琅玕石之似珠者

爾雅注云狀似珠山海經曰崑崙山有琅玕樹注琅玕子似玉
積石在鄯州龍支縣

鄯州在長安之西一千九百九十三里龍支縣在鄯州南
三十五里積石山又在縣南宋時鄯蘭二州俱廢

屬陝西省鄯在蘭西四百九十里

龍門在河中府龍門縣

河中屬河東山西道縣革

熙河路

宋神宗改鎮洮軍為熙州以熙河洮岷州通遠軍為一路

會州西小河

會州在長安之西北一千一百九十里今屬陝西鞏昌路

興州

今四川南道沔州也屬廣元路廣元古利州也今河北亦有興
州管宜興興安二縣未知孰是

小河鹹水

其地生鹽去州一百二十里

西安州之東大河分為六七道

西安即隴州在今甘肅省地面

崑崙即河源所出在臨羌

此據地志也臨羌漢屬金城郡山在今甘肅省肅州路境內寰宇記云肅州酒泉縣崑崙山在縣西南八十里馬岌言禹貢崑崙在臨羌之西即此明矣

析支在河關西千餘里

河關縣名地志屬金城郡寰宇記云即涼州也

渠搜近朔方之地也

地志中部都尉所治屬朔方郡

隴州吳山縣吳嶽山

寰宇記云秦都咸陽以為西嶽故稱吳嶽山在古縣西南五里隴州今隸陝西縣革

隴州汧源有岍山岍水所出

岍記皆作汧在縣西六十里案寰宇記以吳岳與岍山為二山

晁氏以為今之隴山天井金門秦嶺山者皆古之岍也

據山志有二說故引此合言之寰宇記隴山在隴州汧源縣西六十二里天水大坂也張衡云欲往從之隴坂長其坂九迴不知高幾許欲上者七日乃得越絕高處可容百餘家下處可容十萬戶東望秦川四五百里極目泯然墟宇桑梓與雲霞一色人上隴者想還故鄉悲思而歌有絕死者秦嶺寰宇記云在隴州隴安縣西南

雷首在今河中府河東縣

寰宇記云在縣南三十里此山有九名謂歷山首山薄山襄山甘棗山渠豬山獨頭山隔山等之名又名雷首又名首陽

砥柱在今陝州陝縣三門山是也

今屬河南府路寰宇記云禹理洪水山陵當水者破之以通河

三穿既以河出其間有似門故俗號三門又案文苑英華趙冬
曦三門賦云砥柱山之六峯者皆生河之中流蓋夏后之所開
鑿其最北有兩柱相對距崖而立即所謂三門也次于其南有
孤峯揭起峯頂平闊夏禹之廟在焉西有孤石數丈圓如削成
復次其南有二峯東曰金門中曰三堆西曰天柱湍水從黃老
神前東流湍激蹙于蝦石折流而南漱于三門苞于廟山乃分
為四流淙于三峯之下抵于曲隈會流東注加以兩崖夾水壁
立千仞盤紆激射天下罕比

漢澤

地志漢名號反輯纂音胡郭反非是

析城在今澤州陽城縣

今澤州為平陽路支郡寰宇記云在縣西南七十五里

王屋今絳州垣曲縣也

今為平陽路支郡寰宇記又云王屋在澤州陽城縣南五十里
有僊宮號小有清虛洞天山高八千丈

太行在今懷州河內

今懷孟路寰宇記云在縣北二十五里太行山首於河內北至
幽州凡百嶺綿亘十二州之界有八陁連山中斷謂之陁也

恒山今定州曲陽

定州今改中山府曲陽割屬保定路

河北諸山根本脊脉皆自代北寰武嵐憲諸州乘高而來
愚案河北之山皆從白登山來白登之南為管涔山汾水出其
下管涔汾水之東為代為憲西為嵐而山之支分從此始白登
在今河東山西道大同路白登縣管涔在今太原路管州界內
白登之東諸水東趨于海西為大河其山脊正東西分水處也
其脊以西之水則西流以入龍門西河之上流

自龍門受汾水入河北至應州之西以及古東受降城一千六
七百里皆受山脊西流之水

其脊以東之水則東流而為桑乾幽冀以入于海

南自趙深河間以北至平州如涇水濡水沾水易水等皆東趨
于海桑乾音于河在今朔州鄯陽縣冀疑當作薊

其西一支為壺口太岳

案禹迹圖壺口在汾水之西太岳在汾水之東則壺口太岳不
同一支

次一支包汾晉之源而南出以為折城王屋而又西折以
為雷首

自管涔東趨太原又南為羊頭山迤西為太岳又南為折城汾
晉皆在其西迤東為王屋別折一支西為雷首抵河
又次一支乃為太行

高貢

自羊頭山分而之東在沁水之北潞水之南沁于潞反
又次一支乃為恒山

自白登山正東而來與真定府相近數十里

王鄭有二條四列之名皆為未當

王肅鄭玄也王以岍岐至碣石為北條西傾至陪尾為中條嶠
冢至敷淺原為南條鄭以岍岐為正陰列西傾為次陰列嶠冢
為次陽列岍山為正陽列

朱圉在秦州大潭縣

秦州今屬鞏昌路縣草

太華在華州華陰縣

今屬奉元路

潁川郡密高縣有密高山古文以為外方

地志云是為中岳有太室少室山廟密古崇字

西京登封縣

今河南府路登封縣嵩高山也

桐栢在唐州桐栢縣

唐州今為河南府路支郡縣革

陪尾今安州安陸

今江陵路德安府安陸縣也

荆山今襄陽府南漳縣

今作南漳

内方今荆門軍長林縣

今荆門改州屬江陵路

漢陽軍漢陽縣北大別山

今為岳州路散府縣革

衡山今潭州衡山縣

岳貢

今洞庭之南湘水之西資水之東衡州之北

敷淺原地志豫章郡歷陵縣南有傅易山

師古曰傳音敷易音陽

今江州德安縣博陽山也

在廬山之西

晁氏以為在鄱陽者非是

鄱陽本在彭蠡之東今經文止言過九江至于敷淺原不更言

過彭蠡也故非是

然所謂敷淺原者其山甚小而卑惟廬阜最高且大宜當

紀志恐山川之名古今或異

案江州圖經南康郡志皆言周成王時有匡俗結廬隱居此山

之西北後因名其山曰廬山或曰匡山又曰匡廬審如此說則

周以前固未嘗名廬山安知其初不名敷淺原及既稱廬山之

後而舊名得專之於支麓小阜乎

岷山之脈其北一支為衡山而盡於洞庭之西其南一支度桂嶺北經表筠之地至德安所謂敷淺原者一支之出湘水間斷

自岷至敷淺原論其山脊綿亘道里甚遠今直曰其北一支為衡山亦未也蓋岷山之南為沫若水所限東北又限於涪墊大江諸水其岡脊支脈乃遠行而西自西而南至雲南之境又東趨夜郎已四千餘里乃越五溪之尾至湖南為衡山則又二千五百餘里矣其南一支自桂嶺至零陵為九疑山下郴州迤東北而行徑袁州筠州之間筠今瑞也又下為幕阜白藤高竄諸山乃至南康江州之境大為廬山小為傳易抵于江而止其自桂而來又二千餘里矣其去衡山則信乎為湘水所隔而不通也

高貢

合黎山在張掖縣西北亦名羌谷

即今甘州路也弱水亦在其地寰宇記云合黎水一名羌谷鮮水案隋志不云亦名羌谷惟寰宇記有此名又以為水不以為山恐言山則獨名合黎言其下水則兼名羌谷也漢志有羌谷水

流沙在沙州西八十里

即今江肅省沙州路也案五代史晉天福三年高居誨使于闐還記其山川云自靈州過黃河二十里始涉沙入党項界曰細腰沙神樹沙至三公沙自此沙行四百餘里至黑堡沙沙尤廣自甘州西始涉磧磧無水西北五百里至肅州渡金河出玉門關至瓜州沙州瓜州南十里鳴沙山冬夏殷殷有聲如雷云禹貢流沙也又東南十里三危山云三苗之所竄也又案山水皆原於西北

先天卦位艮西北兌東南故水聚東南而尾西北山聚西北而尾東南所謂山澤通氣也

黑水出犍爲郡南廣縣汾關山

犍音乾犍爲故夜郎國也黑水地志名符黑水犍爲今叙州等處宣撫司所轄湖路富順州長寧軍等處地也今嘉定府亦有犍爲縣

唐樊綽云西夷之水南流入于南海者凡四曰區江曰西珥河曰麗水曰瀾若江皆入于南海其曰麗水者即古之黑水也二危山臨時其上

瀾字字書所無惟唐李華弔古戰場文中有此一字而讀者無定音寰宇記永江軍導江縣下有此字音如夜反然非瀾若也程氏禹貢圖皆作瀾諾恐蔡傳誤書言爲三點當從程本程氏云唐樊綽咸通中從薛安南親行交趾得其水道曲折載之蠻

尚頁

書其大川南流而入于南海者四西珥河與蘭倉江合一也麗水與瀾諾江合一也新豐川合勃弄諸水三也唐蒙所見盤江四也其謂麗水者綽指言其水正爲黑水而邏些二城北有山即三危山也四水與蔡傳同異

西珥河者却與漢志葉榆澤相貫

葉榆屬漢益州郡

又漢滇池即葉榆之地武帝初開滇舊時其地古有黑水舊祠

滇音顛滇池縣地志云屬益州郡武帝元封二年開故滇王國也滇池澤有黑水祠舊先樂反漢國今雲南行省所管地也其地在蜀之正西東北距宕昌不遠宕昌即二苗種裔北史云宕昌羌者其先蓋二苗之胤其地東接中華西通西域南北數千里

孟津今孟州河陽縣亦名富平津

河陽孟之倚縣古書多作盟津明異音孟寰宇記云或謂之富平津又謂之小平津

洛汭在河南府鞏縣之東

河南即古洛陽

山再成曰伾

爾雅云山再成英注云兩山相重書云至于大伾疏云山上更有一山重累者名伾

張揖鄭玄臣瓚云云

此皆據爾雅疏文又本漢書注文

今通利軍黎陽縣臨河有山蓋大伾也

此正據瓚說寰宇記云在縣南七里又名青檀山通利今為滏州為大名路支郡

濁貢

修武武德

古懷州二縣武德今革

成臯

今汴梁路鄭州汜水縣故虎牢之地也

洛水今冀州信都縣枯洛渠也

今冀州為真定路支郡信都為倚縣

魏郡鄴縣有故大河在東北

鄴今彰德路也

古洛瀆自唐貝州經城北入南宮貫穿信都

貝今恩州也南宮信都皆冀州屬縣

自大伾而下琅岸高於平地故决齧流移水陸變遷

水高於地故為隄以障之隄壞則河决此所以有水患也輯纂引方氏云建炎紹興後黄河决入鉅野溢于泗以入于淮者謂

之南清河由汶合濟至滄州以入海者謂之北清河是時淮僅受河之半金之亡也河自開封北衛州決而入渦河以入淮一淮水獨受大黃河之全以輸之海濟水之絕于王莽時者今其源出河北溫縣猶徑枯黃河中以入汶而後趨海清濟貫濁河遂成虛論矣

唐張仁愿所築東受降城

唐神龍二年置在雲中之地有東西中三城今皆廢

漢水有兩源

程氏謂東源正嶠冢導漢東流為漢其西源乃嘉陵江自利州已上數百里不為東流與經不合以漢高帝置廣漢郡而因益日嘉陵之水為西漢水也蔡傳則畧不及嘉陵水而以東漢為漢之下流西漢為沔之下流二漢復合流東行以入大江也程說非是

禹貢

武當縣北四十里漢水中有洲曰滄浪洲水曰滄浪水

縣屬均州今為襄陽府路支郡寰宇記謂水在均州鄖鄉縣即

漁父禱歌處

三澨郢州長壽縣

郢州今改安陸府屬荆湖北道

復州景陵縣

復州今為沔陽府屬荆湖北道

番陽澤在江之南

番音都在南康之東南饒州之西北

去漢水入江處已七百里

自南康至漢陽

所蓄之水則合饒信徽撫吉贛南安建昌臨江袁筠龍興南康數州之流

饒信徽在江東餘十郡在江西饒有餘干水鄱江水信有弋陽水貴溪水徽之婺源有婺水撫有汝水臨川水吉有吉水贛有章水貢水南安之南康縣有益漿水封侯水良熱水建昌南城縣有盱水臨江之新淦州有淦水袁有宜春水筠瑞州也高安縣有蜀水龍興富州有豐水南康建昌州有脩水已上諸水下流皆入鄱陽湖

入江之處西則廬阜東則湖口皆石山峙立水道狹甚

西則廬阜之麓名江墓東則湖口之雙石鍾山相去一呼今名唐石渡

廬江之北有所謂巢湖者

今湖在淮西無為州廬江縣北二十五里一名焦湖大江在縣東南百九十里

今東匯北匯之文

禹貢

愚謂以巢湖當彭蠡信今東匯北匯之文不如番湖之懸絕然二湖之下均為一江以達于海必竟無中江北江之分也謂我惟知求彭蠡而不知求中江北江蔡傳辨論最悉雖未見其的姑亦傳疑而已

濟水絳州垣曲縣

屬平陽路

東出孟州濟源縣

屬懷孟路寰宇記云濟水在縣西北三里平地而出有二源皆縉以周塙

號公臺

在孟州溫縣俗名賀酒臺

再成曰陶在今廣濟軍西

爾雅疏云丘形上有兩丘相重累者名陶丘廣濟軍即今曹州

定陶縣也

濟陰縣自有荷派

亦屬曹州

合汶水今青州博興縣

今博興州隸益都路

李賢謂濟自鄭以東貫滑曹鄆濟青以入于海

鄭州滎陽郡也隸河南行省滑州隸大名路曹州隸濟寧路鄆

州今東平路濟州今濟寧路齊州今濟南路青州今益都路

樂史謂今東平濟南淄川北海界有水流入海謂之清河

見寰宇記孟州濟源縣下淄川今般陽路也北海今益都路也

云實河澤汶水合流亦曰濟河

歷城之西蓋五十里而有泉湧出高或致數尺其旁之人

名曰趵突之泉

禹貢

歷城縣今屬濟南路約北角反廣韻云口止擊也頓纂音方車反

非是

灤水

音鹿

舟之通于濟者

曾集濟作齊

東阿

縣屬東平

淮水出南陽平氏縣胎簪山

平氏縣廢山在今唐州界內地志云淮入海行二千二百四十里

地志云烏鼠山者同穴之枝山也

案地志隴西郡首陽縣云禹貢烏鼠同穴山在西南渭水所出

東至船司空入河行千八百七十里不言烏鼠為同穴之枝山也

盧氏之熊耳

嵩州盧氏縣也

九州之山槎木通道已可祭告

案益稷言隨山刊木此言九山刊旅必隨其山而刊之導山是其序也其所行有九節導嶺及岐至于荆山一也壺口雷首至于太岳二也砥柱析城至于王屋三也太行恒山至于碣石四也西傾朱圉鳥鼠至于大華五也熊耳外方桐栢至于陪尾六也導嶠至于荆山七也內方至于大別八也岷山之陽至于衡山至于敷淺原九也是蓋施工次第九節非論山脉也亦非以配九州也

九州之川濬滌泉源而無壅遏

九州之川非一而其所滌之源有九施工次第因而序焉導弱水一也導黑水二也導河積石三也嶠冢導漾四也岷山導以五也導沅水六也導淮自桐栢七也導渭自鳥鼠同穴八也導洛自熊耳九也亦是施工九起非以配九州也

九州之澤已有陂障而無決潰

九州之澤非一其雲土夢作又及大陸既作皆可耕治不待陂障餘為陂障者亦有九焉雷夏既澤一也大野既豬二也彭蠡既豬三也震澤既定四也九江孔殷五也滎波既豬六也導蒗澤七也被孟豬八也至于豬野九也此特言其已有陂障者耳非若職方氏分為九州澤數之比也

如周大司徒以土宜之法辨十有二土之名物以任土事十二土分野十二邦各有所宜也

如周大司徒辨十有二壤之名物以致稼穡

致當作教注云壤亦土也以萬物自生則言土以人所耕而樹藝則言壤

繆雍僖康宣是也十八日以爵氏如王叔王孫公子公孫是也
十九日以國係如唐孫氏滕叔氏是也二十日以族係如季孫
氏叔孫氏是也二十一日以名氏如士季氏伍參氏韓嬰氏臧
會氏是也二十二日以國爵如夏侯氏息夫氏白侯氏是也二
十三日以邑係如原伯氏申叔氏沂相氏是也二十四日以官
名如師延氏史晁氏呂相氏侍其氏是也二十五日以邑謚如
苦成氏二十六日以謚氏如臧文氏二十七日以爵謚如成公
氏成王氏是也二十八日代北復姓二十九口關西復姓三十
日諸方復姓皆夷狄二字姓也三十一日代北三字姓如侯莫
陳是也三十二日代北四字姓如自死獨膊是也右邨氏之說
甚詳具載通志略姑節其目以明姓氏之多門焉
甸服畿內之地五百里者王城之外四面皆五百里也分
甸服五百里而為五等

古者以長三百步為一里一步六尺計長一百八十丈也王城
四面皆五百里是穿心一千里而王城亦在其中矣孟子所謂
天子之田方千里周禮所謂方千里曰王畿皆謂是也以開方
法總計之則為方百里者一百箇也以此百箇百里分為五等
貢賦則在內四箇百里納總次外十二箇百里納銓又次外二
十箇百里納結又次外二十八箇百里納粟又最外二十六箇
百里納米

侯服者甸服外四面又各五百里也分侯服五百里為三等
若併甸服是穿心二千里也侯服之地開方計之為方百里者
五百分為二等則四十箇百里為采地五十二箇百里為男邦
二百丹四箇百里為諸侯
綏服者侯服外四面又各五百里也分綏服五百里為二等
若併侯甸是穿心三千里也綏服之地開方計之為方百里者

五百分爲一等則在內三百里爲二百七十六箇百里揆文教
在外二百里爲二百二十四箇百里奮武衛
要服者綏服外四面又各五百里也分要服五百里爲二
等

若併綏侯甸是穿心四千里也要服之地開方計之爲方百里
者七百分爲二等則在內二百里爲二百九十六箇百里爲夷
地在外二百里爲三百卅四箇百里爲蔡罪之地蔡素達反
荒服者要服外四面又各五百里也分荒服五百里爲二
等

若併要綏侯甸是穿心五千里也荒服之地開方計之爲方百
里者九百分爲二等則在內三百里爲五百一十六箇百里爲
蠻地在外二百里爲二百八十四箇百里爲流罪之地也合五
服五千之地總爲方百里者二千五百餘山川丘陵之類三分

吏聽誓于陳前斬牲以左右徇曰不用命者斬之鼓人三鼓羣
吏作旗車徒皆作鼓行鳴鑼車徒皆行及表乃止三鼓擁鑼羣
吏弊旗車徒皆坐又三鼓振鐸作旗車徒皆行鼓進鳴鑼車驟
徒趨及表乃止坐作如初乃鼓車馳徒走及表乃止鼓戒三闕
車三發徒三刺乃鼓退鳴鑼且卻及表乃止坐作如初此可見
坐作進退之節矣弊仆也

夏有觀扈商有姚邠周有徐奄

杜預左傳注云觀國今頓丘衛縣觀陸氏音館姚邠二國商諸
侯邠今下邳姚西典反徐奄二國皆嬴姓

六鄉六鄉之鄉也按周禮鄉大夫每鄉卿一人六鄉六卿
有事出征則各率其鄉之一萬二千五百人而屬於大司
馬所謂軍將皆卿也

司馬法曰王國百里爲郊六鄉在焉二百里爲州六遂在焉每

鄉萬二千五百家鄉一人長之每遂亦萬二千五百家中大夫一人長之每軍萬二千五百人六鄉為正軍六遂為副軍六軍共計車千乘每乘甲士三人步卒七十二人通七十五人則千乘該七萬五千人也夏官司馬云王六軍大國三軍次國二軍小國一軍軍將皆命卿

三正迭建其來久矣舜協時月正日亦所以一正朔也子丑之建唐虞之前當已有之

朱子曰天開於子地闢於丑人生於寅故千柄建此三辰之月皆可以為歲首又語錄云邵子皇極經世書一元統十二會一萬八百年為一會當初一萬八百年而天始開在子會又一萬八百年而地始成在丑會又一萬八百年而人始生在寅會邵子於寅上方注一開物字子丑寅皆天地人之始故皆可以為正

甘言

去二之外可建百里之國一千六百餘然禹會諸侯於塗中執玉帛者萬國蓋并蠻夷君長言之舉大數耳

堯都冀州冀之北境并雲中涿易亦恐無二千五百里籍使有之亦皆沙漠不毛之地而東南財賦之地則反棄於要荒以地勢考之殊未可曉

案禹迹圖堯都平陽今平陽路也甸服五百里其北則石州太原也南則陝州虢州也東則澤州潞州也西則鄜州坊州也侯服五百里北則朔州也南則鄧州之北也東則濮州也西則涇州也綏服五百里北則雲州之北也南則房州也東則淄州也西則秦州也要服五百里北則在大漠之北南則在江陵之南東則登州西則熙州荒服五百里南則至湘潭而未及衡山東逾海西逾積石而及流沙北則去雲中一千二百里矣凡此所指皆以里數至其境爾

周制九畿亦五百里而王畿不在其中併之則四方相距為萬里蓋倍禹服之數也

相距萬里是百箇百里開方得萬箇百里禹服止有二千五百箇一百里僅當周服四分之一乃是周制三倍於禹也

漢地志亦言東西九千里南北一萬二千里

武帝攘却胡越開地斥境南置交趾北置朔方之州東西九千三百二里南北萬三千二百六十八里

甘誓

甘地名有扈氏國之南郊也在扶風郿縣

寰宇記云秦改為郿縣有扈鄉復有扈谷亭又有甘亭是也嚴其坐作進退之節

周禮大司馬中春教振旅以教坐作進退疾徐疏數之節中冬教大閱羣吏各帥其民賞明弊旗乃陳車徒如戰之陳皆坐

大射以散

散音騶矢之善者

折箠

折其左耳

詭御

孟子作詭遇謂不正而與禽遇也

禮曰天子巡狩以遷廟主行

曾子問曰士者師行必以遷廟主行乎孔子曰天子巡狩以遷廟主行載于齊車言必有尊也今也取七廟之主以行則失之矣疏云遷廟主新遷廟主也齊車金路也主未主也天子一尺二寸有遷主者以幣告神而不將幣以出行即埋之兩階之間無遷主者加之以皮圭告於祖禰遂奉以出

祖左陽也社右陰也

禮云建國之神位右社稷而左宗廟
秋官司厲擗男子以爲罪隸

周禮擗作奴鄭司農云謂坐爲盜賊而爲奴者輸於罪隸
五子之歌

窮國名羿窮國之君也

左氏襄四年魏絳曰昔夏之方衰也后羿自鉏遷于窮石因夏
民以代夏政杜預注云鉏羿本國名史記正義引括地志云故
鉏城在滑州衛城縣東十里晉地記云河南有窮谷本有窮氏
所遷也

或曰羿善射者之名

說文一曰射師羿羽之羿風謂箭乘風而疾也

賈逵說文羿帝嚳射官故其後善射者皆謂之羿有窮之
君亦善射故以羿目之也

五子之歌

左傳注云羿有窮君之號

小弁之詩父子之怨

周幽王娶於申生太子宜曰後得褒姒而惑之信其讒黜申后
逐宜曰宜曰之傳知其無罪而憫之故述其情以作小弁之詩
言其自怨慕親之意也

後世序詩者每篇皆有小序

三百五篇之詩

堯初爲唐侯後爲天子都陶故曰陶唐堯授舜舜授禹皆
都冀州

寰宇記云帝堯始封於唐在太原郡平晉縣北一里有故唐城
堯所築也及爲天子都平陽平陽即太原注疏云堯都平陽舜
都蒲坂禹都安邑相去不盈二百里皆在冀州

典猶周之六典則猶周之八則

周禮天官云一曰治典二曰教典三曰禮典四曰政典五曰刑典六曰事典又云八則治都鄙一曰祭祀二曰法則三曰廢置四曰祿位五曰賦貢六曰禮俗七曰刑賞八曰田役百二十斤為石二十斤為鈞鈞與石五權之最重者也五權者銖兩斤鈞石也黃鐘律管容千二百黍重十二銖兩之為兩故一兩重二十四銖十六銖為斤三十斤為鈞四鈞為石又按法度之制始於權權與物鈞而生衡衡運生規規圓生矩矩方生繩繩直生準是權衡者又法度之所自出也見前漢律歷志權與物鈞者孟康云謂錘與物鈞所稱適停則衡平也繩直生準者韋昭云立準以望繩以水為平也規矩繩權衡謂之五則準繩連體權衡合德百工絲焉以定法式輔弼執玉以翼天子故詩云秉國之鈞四方是維此法度之所以自出也

五子之歌

亂征

仲康始即位即命胤侯以掌六師次年方有征羲和之命經世書以征羲和為仲康元年事則是即位之次年也古者逾年改元

羿廢太康而立仲康然其篡也乃在相之世

左傳注云禹孫太康淫放失國夏人立其弟仲康卒子相立羿遂代相

如漢文帝入自代邸即皇帝位夜拜宋昌為衛將軍鎮撫南北軍之類

漢高后崩呂產欲作亂絳侯周勃誅之大臣迎立代王王至代邸即天子位是為文帝其夕入未央宮夜拜宋昌為衛將軍鎮撫南北軍漢衛宮之軍在南為南軍京城之軍在北為北軍南軍者衛尉寺郎衛尉門府羽林府都尉是也北軍者中尉

府城門校尉及八校尉是也仲康遭夷羿廢立之際權本在羿而危疑未定文帝承大臣迎立之時尊卑已定而權已歸已則仲康之命胤侯也難文帝之命宋昌也易由是觀之仲康殆勝於文帝遠矣祿產尚存文帝未必能有為也

官以職言師以道言

非師保之師如承以大夫師長之師

辰日月會次之名房所次之宿也集漢書作輯集輯通用言日月會次不相和輯而掩蝕於房宿也按唐志日蝕在仲康即位之五年

一行日度議曰太康十二年戊子歲冬至應在女十一度書曰乃季秋月朔辰弗集于房劉炫曰房所舍之次也集會也會合也不合則日蝕可知或以房為房星知不然者且日之所在正可推而知之君子慎疑寧當以日在之宿為文近代善曆者推

胤征

仲康時九月合朔已在房星北矣按古文集與輯義同日月嘉命而陰陽輯睦則陽不疚乎位以常其明陰亦含章示冲以隱其形若變而相傷則不輯矣房者辰之所次星者所次之名其揆一也新曆仲康五年癸巳歲九月庚戌朔日蝕在房二度炫以五子之歌仲康當是其一肇位四海復脩大禹之典其五年義和失職則王命徂征虞劓以為元年非也

古者日蝕則伐鼓用幣以救之春秋傳曰惟正陽之月則然餘則否

莊公二十五年夏六月辛未朔日有食之鼓用牲于社非常也唯正月之朔慝未作日有食之於是乎用幣于社伐鼓于朝汪云正月正陽之月夏之四月也

周禮庭氏救日之弓矢

庭氏掌射國中之天鳥若不見其鳥獸則以救日之弓與月之

矢夜射之注云日月之食陰陽相勝之變也於日食則射太陽
月食則射太陽朱子詩傳云日月一歲凡十二會方會則月光
都盡而為晦已會則月光復蘇而為朔朔後晦前各十五日日
月相對則月光正滿而為望晦朔日月之合東西同度南北同
道則月掩日而日為之食望而日月之對同度同道則月抗日
而月為之食是皆有常度矣王者修德行政能使陽盛足以勝
陰陰衰不能侵陽則日月之行雖或當食而月常避日故其遲
速高下必有參差而不正相對者所以當食而不食也若國無
政君不用善則陰盛陽微當食必食雖曰有常度而實為非常
之變矣

政典先王政治之典籍也

韓纂引陳氏云政典有司馬掌邦政可據胤侯為大司馬故引
之玩其辭意真誓軍旅之辭

胤侯

諸侯敵愾

愾苦愛反左氏文公四年甯武子曰諸侯敵王所愾而獻其功
注云敵猶當也愾恨怒也

書蔡氏傳旁通卷之二

書蔡氏傳旁通卷之三

後學 東匯澤 陳師凱 撰
後學 豫章 朱萬初 校正

湯誓

契始封商湯因以為有天下之號

契帝嚳之子為唐虞司徒史記索隱曰堯封契於商今商州也為陝西奉元路支郡湯國號商盤庚遷殷之後又號殷湯號也或曰謚湯名履姓子氏

史記索隱曰湯名履書曰予小子履是也又稱天乙者譙周云夏殷之禮生稱王死稱廟主皆以帝名配之天亦帝也殷人尊湯故曰天乙從契至湯凡十四代張晏曰禹湯皆字也謚法曰除虐去殘曰湯皇甫謐云商家生子以日為名其母以甲日生子則稱某甲譙周以為死稱廟主曰甲愚按古周書謚法解一

百八十二謚並無堯舜禹湯桀紂為謚者鄭氏通志畧云周人以諱事神故卒哭而諱將葬而謚其有堯舜禹湯桀紂六人乃人名非謚法也如云巧言如流曰嚮闢于四門曰穆有文在手曰友乃聖乃神曰武持盈守成曰成此皆採經傳之言大不通理者愚謂謚法當以周書所載為正其餘諸家皆後人贅附之文如除殘去虐曰湯之類皆不足據只以湯為號為是今史記首卷有謚法一篇多周書一十二字皆後人所增者也

毫

今河南府偃師縣也

仲虺之誥

仲虺奚仲之後為湯左相

左傳定元年薛宰曰薛之皇祖奚仲居薛以為夏車正奚仲遷于邳仲虺居薛以為湯左相

易書○仲虺之誥

出師以立先後刑罰

先後音去聲猶左右也

南巢地名廬江六縣有居巢城

在今淮西無為州巢縣

愧德之不古若

輯纂引陳氏云觀湯之慙湯之本心始見矣以居萬世君臣之始變也呂氏曰此心之慙此誥之釋皆不可少

民生有耳目口鼻愛惡之欲無主則爭且亂矣

孟子曰口之於味也耳之於聲也目之於色也鼻之於臭也四支之於安佚也性也有命焉蓋命謂分也富貴貧賤各有其分先王制禮不可踰越苟無聖人以生之則人又各縱其氣質之性以極其欲而各求所不當得者則必犯非其分而爭且亂矣

史記言桀囚湯於夏臺

索隱云獄名夏曰均臺皇甫謐云地在陽翟是也陽翟元屬許州今屬均州

懋茂也

左氏宣十五年伯宗曰鄆舒怙其雋才而不以茂德

葛國名

在今歸德府寧陵縣去亳百里

禮義者所以建中者也

新安陳氏云動而以義制事則義以方外之謂能以義方外則此德應萬事之大用以行而此中無過不及之用在是矣靜而以禮制心即敬以直內之謂能敬以直內則此德具衆理之全體以立而此中不偏不倚之體在是矣

湯誥

亳湯所都在宋州穀熟縣

仲應湯誥

寰宇記云殷謂之南亳亦嘗都之穀熟今廢按注疏云鄭玄云亳今河南偃師漢書音義臣瓚云湯居亳今濟陰亳縣是也杜預云梁國蒙縣北有亳城皇甫謐云湯居亳與葛爲鄰葛即今梁國寧陵之葛鄉也若湯居偃師去寧陵八百餘里豈當使民爲之耕乎亳今梁國穀熟縣是也諸說不同未知孰是

衷中

朱子語錄云惟皇上帝降衷于下民孔安國以爲降善便是無意思衷不是善只是中與民受天地之中一般又云看得衷字是箇無過不及恰好底道理又云此衷字義本是如左氏所謂衷甲以見之義爲其在衷而當中也愚按說文云衷褻衣增韻云方寸所蘊也蓋是天以此理降付於人人受而具之於心無少偏倚本謂之中爲其蘊之方寸若褻衣之在裏故謂之衷也其實則中者也者天下之大本也故蔡氏直以中訓之

屈原曰人窮則反本故勞苦倦極未嘗不呼天也

當作屈原傳曰本大史公辭也云天者人之始也父母者人之本也人窮則反本故勞苦倦極未嘗不呼天也疾痛慘怛未嘗不呼父母也

簡閱一聽於天

朱子語錄云善與罪天皆知之如天點檢數過相似爾之有善也在帝心我之有惡也在帝心

伊訓

夏曰歲商曰祀周曰年

歲木星也一年行一次十二年而亥子一周祀祭享也一年而編年禾一熟也

商以建丑為正故以十二月為正

正正朔也王者易姓受命而改正朔夏正建寅取人生於寅之

陽正即

義商改而建丑取地闢於丑之義周改而建子取天闢於子之義此之謂三正又名三統又名三微

三代雖正朔不同然皆以寅月起數

建寅之月夏之正月也其月為孟春天時人事咸與維新之時也故其月稱正月商周因之以起數以夏稱歲故以建寅之月為正歲周禮屢稱正歲是也

改正朔而不改月數則於經史尤可考周建子矣而詩言四月維夏六月徂暑則寅月起數周未嘗改也

愚按商秦二代不改建寅之數固為明甚惟周則建寅建子並有左驗故辨者紛然迄無定說謂周不改月數者指四月維夏六月徂暑也謂周改月數者禮記有正月至七月日至孟子有十一月徒杠成十二月輿梁成及七八月之間旱朱子注云周七八月夏五六月也左傳正月至南至據此則周又似改月

數矣朱子於幽七月傳引占氏云三正之通於民俗尚矣周並
舉而迭用之此說蓋是

太甲之為嗣王嗣仲壬而王也太甲太丁之子仲壬其叔
父也

湯三子太子太丁未即位而卒次外丙在位二年而卒幼仲壬
在位四年而卒外丙仲壬皆無子惟太丁有子太甲伊尹立之
為仲壬後繼仲壬而王也

嗣叔父而王而為之服三年之喪為之後者為之子也

為之服為之子二為字並音去聲太甲為仲壬之子服仲壬之
喪斬衰三年是為仲壬之後而為仲壬之喪如子之居父喪也
又按程氏云古人謂歲為年湯崩時外丙方二歲仲壬方四歲
惟太甲差長故立之也愚謂外丙仲壬皆太丁之弟若謂二年
四年非在位之數豈有兄乃二歲而弟反四歲乎此其在位之

伊訓

歷年無疑也

鳴條夏所宅也

疏云今安邑有鳴條陌孟子云東夷鄭玄云南夷或云陳留平
丘皆非在今河東解州安邑縣也

湯之克中最為難看湯放桀以臣易君豈可為忠不知湯
之心最忠者也天命未去人心未離事桀之心曷嘗斯須
替哉

按孟子云五就湯五就桀者伊尹也朱子引楊氏曰伊尹之就
湯以三聘之勤也其就桀也湯進之也湯豈有伐桀之意哉其
進伊尹以事之也欲其悔過遷善而已伊尹既就湯則以湯之
心為心矣及其終也人歸之天命之不得已而伐之耳若湯初
求伊尹即有伐桀之心而伊尹遂相之以伐桀是以取天下為
心也以取天下為心豈聖人之心哉輔氏曰楊氏真得湯與伊

尹之心足以洗世儒之惑愚謂孟子此章揚氏此注亦見湯之克忠勳

巫覡

女曰巫男曰覡

十愆

恒舞一酣歌二殉貨三殉色四恒遊五恒斲六侮聖言七逆忠直八遠者德九比頑童十

墨即叔向所謂夏書昏墨賊殺皋陶之刑貪以敗官為墨左傳昭十四年叔向曰已惡而採美為昏貪以敗官為墨殺人不忘為賊夏書曰昏墨賊殺皋陶之刑也杜注云昏亂也墨不潔之稱忌畏也三者皆死刑

太甲上

顧常自在之也

朱子語錄云古注云顧謂常自在之也此語最好非謂有一物常在目前可見也只是常存此心知得有這道理光明不昧方其靜坐未接物也此理固湛然清明及其遇事而應接也此理亦隨處發見只要人常提撕省察念念不忘存養久之則是理益明雖欲忘之而不可得矣

夏都安邑

今河東解州安邑縣也

虞虞人也

掌山澤之官

括矢括也

括矢末也

安汝止者聖君之事生而知者也欽厥止者賢君之事學而知者也

欽者肅恭收斂之謂安汝止者自然而然欽厥止者使然而然故有聖賢之別

桐成湯墓陵之地

史記正義曰晉大康地記云尸鄉南有亳坂東有城太甲所放處也按尸鄉在洛州偃師縣西南五里

太甲中

冕冠也唐孔氏曰周禮天子六冕備物盡文惟衮冕耳此蓋衮冕之服

疏云有虞氏皇而祭夏后氏收而祭殷人皐而祭周人冕而祭並是當代別名皐是殷之祭冠今云冕者蓋冕為通名愚按天子六冕祀昊天則大裘而冕享先王則衮冕享先公享射則鷩冕祀四望山川則毳冕祭社稷五祀則希冕祭群小祀則玄冕祀天之冕無旒餘五冕皆玄冕朱裏延紐五采十有二就皆五

太甲

采玉有十二玉笄朱紘冕之為體周禮無文叔孫通作漢禮器制度取法於周凡冕以板廣八寸長尺六寸上玄下朱覆之乃以五采繅繩貫五采玉垂於延前後謂之遷延周禮疏云古者績麻三十升布染之上以玄下朱衣之於冕之上下延者即是上玄者紐者綴於冕之兩旁垂之武兩旁作孔以笄貫之使得其牢固也冕前低一寸得冕名冕則倪也繅雜文之名也合五采絲為之繩垂於延之前後各十二就成也繩之每一匝貫五采玉十二旒則十二玉也每就間蓋一寸十二旒則用玉二百八十八絃者用朱繩一條先屬一頭於左旁笄上一頭繞於頤下至向上於右笄上繞之蓋有笄者屈組以為紘垂為飾無笄者纓而結其條也穎達以此為衮冕者蓋據享先王言耳其實周冕文勝於商孔子云服周之冕可見也

太甲下

一書通三

以上五事蓋欲太甲矯平情之偏也

無輕民事一也無安厥位二也慎終于始三也必求諸道四也求諸非道五也

咸有一德

德者善之總稱善者德之實行一者其本原統會者也

朱子語錄云橫渠說德至天下之善善原天下之一最好四句三段一段緊似一段德且是大體說有吉德有凶德然必主於善始為吉爾善亦是大段說或在此為善或在彼為不善或前日不善今日則善惟須協于克一乃是為善蓋善因一而後定也德以事言善以理言一以心言

張氏曰虞書精一數語之外惟此為精密

張敬夫語

天子七廟三昭三穆與太祖之廟七七廟親盡則遷必有

太甲

德之主則不祧毀

注疏引王制云天子七廟三昭三穆與太祖之廟而七祭法云王立七廟曰考廟曰王考廟曰皇考廟曰顯考廟曰祖考廟遠廟為祧有二祧劉歆馬融王肅皆以七廟為天子常禮所言二祧者王肅以為高祖之父及祖也并高祖以下共為三昭三穆耳中庸或問云凡廟主在本廟之室中皆東向及其祫于太廟之室中則惟太祖東向自如而為最尊之位群昭之入乎此者皆列於北牖下而南向群穆之入乎此者皆列於南牖下而北向南向者取其向明故謂之昭北向者取其深遠故謂之穆蓋群廟之列則左為昭而右為穆祫祭之位則北為昭而南為穆也或問又云商之七世三宗其詳今不可考又云周穆王時文王親盡當祧而以有功當宗故別立一廟於西北而謂之文王室至共王時武王親盡當祧而亦以有功當宗故別立一廟於

東北而謂之武世室自是以後則穆之祧者藏於文世室昭之祧者藏於武世室

盤庚上

祖乙都取圮於河水盤庚欲遷于殷

自祖乙至盤庚居耿者七世史記索隱曰河東皮氏有耿鄉史記正義曰絳州龍門縣東南十二里有耿城殷今河南偃師也史記言祖乙遷邢或祖乙兩遷也

索隱曰邢音耿

由古文作𠄎木生條也

說文𠄎從弓由聲商書曰若顛木之有𠄎拊弓乎感切艸木之華未發也徐鍇曰今尚書只作由拊古文𠄎弓而後又因省之通用為因由等字臣鉉等按孔安國注尚書直訓由作用用拊之語不通愚按拊字今又作𠄎通五割反

大甲

盤庚中

中者極至之理各以極至之理存乎心

中者無過無不及舉天下無以加之故謂之極至之理孔子曰中庸之為德其至矣乎各設中于乃心者言此心各以中為準而不為浮言所搖動也

盤庚下

按立政二毫鄭氏曰東成臯南轅轅西降谷

注疏之說如此而本傳立政又與此不同者彼亦出疏文此為鄭氏說而彼為皇甫謐說蓋蔡氏有疑故並舉之耳疏又云古書亡滅無證來知誰得旨矣成臯春秋之虎牢也轅轅山名在河南府緱氏縣

說命上

亮一作諒陰古作闇

諒據釋文又力章反本作梁一變為諒再變為亮
鷓鴣之鷓

烏南反

柱楣所謂梁闇是也

柱知主反楣音眉楣即是梁闇即是廬梁闇者廬之有梁者也
禮疏又謂施梁而柱楣則楣與梁又似二物未知孰是

剪屏柱楣

剪當作翦書者誤朱子書說云始者戶北向用草為屏不翦其
餘至是改而西向乃翦其餘草始者無柱與楣簷著於地至是
乃施短柱及楣以柱其楣架起其簷今稍高而不可作戶也愚
按朱子謂至是者既虞之後也

宅憂亮陰言居喪於梁闇也

居喪二字今董氏輯纂誤書作宅憂

舊本

先儒以亮陰為信默

見安國傳

語復而不可解

復音福重也

高宗恭默思道之心純一不二與天無間故夢寐之間帝
資良弼其念慮所孚精神所格非偶然而得者也

輯纂引范氏云中庸曰誠則形形則著揚雄曰人心其神矣乎
高宗之夢誠之形而心之神也

傳嚴在虞範之間

史記正義云傳險即傳說所隱之窟名聖人窟在今陝州河北
縣北七里即虞國虢國之界愚按河北縣唐天寶元年陝郡太
守李齊物改為平陸今屬解州

方言

書考通二

揚雄書名輶軒使者

說命中

治亂曰亂

亮軒馮氏云治之與亂其義相反古治字作亂經文誤寫作亂傳者宜云亂當作亂與治同凡經中訓亂為治者倣此凶德之人雖有過人之才爵亦不可及

既云凶德又云有過人之才者何也才稟於氣美惡不同隨其德之所成吉德而有才則所為無不善凶德而有才則所為無不過才者有能之謂能之所為或良或不良也德而有凶有吉者蓋亦得於所稟之初聖賢得剛柔之中氣故清明而純粹其餘剛善柔善亦可以沈潛高明勝之而就吉若稟剛惡柔惡之氣則必強梁險譎自暴自棄而就為凶德矣然未必無才也如桀紂智足以拒諫文足以飾非濟以凶德則無不為矣

說命

說命下

蘇氏謂甘盤遜于荒野以台小子語脉推之非是

東坡云武丁為太子則學于甘盤武丁即位而甘盤遂去其求之迹其所在則居于河濱自河往亳不知其所終武丁無所卒業乃相說也古注謂武丁遜于荒野使為太子而遜則為其太伯豈復立哉學者徒見書云高宗舊勞于外乃小乙使之劬勞以知艱難耳决非荒野之遜也宋子壽錄云東坡解作甘盤遜于荒野據其看只是高宗自言鬱上文曰台小子可見但不知當初高宗因甚遜于荒野兼無逸云高宗舊勞于外亦與此相應

作酒者麴多則太苦釀多則太甘

麴酒母也釀牙米也

數教也言教人居學之半

朱子語錄云惟教學半蓋已學既成居于人上則須教人自學者學也而教人者亦學也蓋初學得者是半既學而推以教人與之講說已亦因此溫得此段文義是教之功亦半也念終始典于學始之所以學者學也終之所以教人者亦學也或曰受教亦曰教教於為學之道半之半須自得此說極為新巧

朱子語錄云因說教學半或舉葛氏解云傳說與王說我教你者只是一半事那一半要你自去行取故謂之終始先生曰近見喻子才跋某人說命解後亦引此說呂伯恭亦如此說某舊為同安簿時學中一士子作書義如此說見他說得新巧大喜之先說王人求多聞時惟建事此是人君且學且教一面理會教人又一面窮義理後面說得監子先王成憲其永無愆教語是平正實話不應中間翻空一句如此深險如教得一半不成

說命

那一半掉放冷處教他自得此語全似禪語五通僊人問佛上八通如何是那一通那一通便是妙處且如學記引此亦依古注

高宗彤日

彤祭明日又祭之名殷曰彤周曰繹

爾雅云繹又祭也孫炎云繹者相尋不絕之意穀梁傳云繹者祭之日日之宜賓也何休云繼昨日事但不灌地降神耳祭禮經傳通解云為枋于外枋祭明日之繹祭也謂之枋者於廟門之旁因名焉其祭之禮既設祭於室而事尸於堂孝子求神非一處也故曰於彼乎於此乎詩云明發不寐有懷二人祭之明日明發不寐饗而致之又從而思之又周頌絲衣繹賓尸也箋曰天子諸侯曰繹以祭之明日卿大夫曰賓尸與祭同日疏云祭宗廟之明日又設祭祀以尋繹昨日之祭以賓事所祭之尸頌云兕觥其觥曹氏注云旅酬之後恐有失禮者以此罰之祭

禮通解陳氏云所以醉飽尸也其飲至於無筭其罰至於兕觥則繹祭可知矣輯纂引陳氏云祭之明日以禮享尸行事之有司助祭之賓客皆與焉然謂之又祭而不謂之享者以尸猶有鬼神之道也

昵者禰廟也

以親昵言之故知禰廟

豐於昵失禮之正

豐於昵則必儉於遠厚於父則必薄於祖故云失禮之正

意高宗之祀必有祈年請命之事如漢武帝五時祀之類時祭處也秦文公作鄜時祭白帝秦宣公作密時祭青帝後二百五十年秦靈公作上時祭黃帝作下時祭炎帝漢稱爲雍鄜密上下四時高祖入關問秦時上帝祠何帝也對曰有四帝青白黃赤高帝曰乃待我而具五色遂立黑帝祠名北時有司進

高宗彤日

祠帝不親往武帝即位初至雍郊見五時後常三歲一郊外有西時畦時不在五時之數時有李少君以祠龜穀道卻老方見上尊之謂數百歲人也武帝慕道多祠祀皆祈年請命之事

西伯戡黎

黎國名在上黨壺關之地

今潞州壺關縣也又有黎城縣史記稱西伯伐飢國又云敗者

注云飢者即黎

姜里之囚

史記正義云姜一作騰音酉姜城在相州湯陰縣北九里今彰德路湯陰縣也

獻洛西之地

史記正義云洛水一名漆沮水在同州洛西之地謂六丹坊等州也

亦 女計管轄行使膠鬲觀兵

史記不見所出武成疏引帝王世紀云武王軍鮪水紂使膠鬲候周師見王問曰西伯將焉之王曰將攻薛也膠鬲曰然願西伯毋我欺王曰不子欺也將之殷膠鬲曰何日至王曰以甲子日膠鬲去而雨甚軍卒請休王曰已令膠鬲報其主吾雨而行所以救膠鬲之死也遂行

微子

微子名啓帝乙長子紂之庶母兄也父師太師三公箕子也少師孤卿比干也

朱子云微子紂庶兄箕子比干紂諸父注疏云微箕二國皆在

殷圻內司馬彪注莊子云箕子名胥餘

色純曰犧

殷人尚白祭天地宗廟用白牛

西伯贊象

體完曰牲

牛羊豕之未體解者

牛羊豕曰牲

總名曰牲獨用曰特羊豕曰少牢總用曰太牢

用相容隱

古注謂器實曰用疏以為簠簋之實則以器二字不通故蔡氏不從


箕子舊以微子長且賢勸帝乙立之不從卒立紂

正義引呂氏春秋仲冬紀云紂之母生微子啓與仲衍其時猶尚為妾改而為妻後生紂紂之父欲立微子啓為太子太史據法而爭曰有妻之子不可立妾之子故立紂為後於時箕子蓋謂請立啓而帝乙不聽今追恨其事

靖安也冬矣其義之所當盡以自達其志於先王使無愧

於神明已

張庭堅才叔曰君子之去就死生其志在於天下國家而不在於一身故其死者非沽名其生者非懼禍而引身以求去者非要利以忘君也仁之所存義之所至鬼神其知之矣昔商之三仁或生或死或為之奴而皆無愧於宗廟社稷豈非謀出於此歟



書蔡氏傳旁通卷之三

